



ЗООНОЗЫН ӨВЧИН СУДЛАЛЫН ҮНДЭСНИЙ ТӨВ

Зоонозын халдварт өвчний долоо хоног тутмын мэдээлэл

Дугаар №18



2018 оны 5-р сарын 21-25-ны хооронд

НЭГ. ТОХИОЛДОЛД СУУРИЛСАН ТАНДАЛТЫН МЭДЭЭ

Улсын хэмжээнд 2018 оны 5 дугаар сарын 25-ны өдрийн байдлаар ЗӨСҮТ-д зоонозын халдварын хүний өвчний сэжигтэй байж болзошгүй нийт 725 яаралтай дуудлагыг хүлээн авсан байна. Эдгээрийн 59(8.1%) галзуугийн эрсдэлд өртсөн, 658(90.7%) хачигт халдвар, 2(0.3%) бэтэг, 1(0.1%) хумхаа, 5(0.7%)-ийг боомын хүний өвчлөлийн сэжигтэй тохиолдол эзэлж байна.

1.1. Хачгаар дамжих халдварт өвчний сэжигтэй тохиолдол:



Архангай, Баянхонгор, Баян-Өлгий, Булган, Говь-Алтай, Говьсүмбэр, Хөвсгөл, Ховд, Хэнтий, Дорнод, Дорноговь, Дундговь, Дархан-Уул, Өвөрхангай, Өмнөговь, Орхон, Завхан, Сэлэнгэ, Сүхбаатар, Увс, Төв аймгийн 104 сум, нийслэлийн 7 дүүрэгт хачгаар дамжих халдварын 658 тохиолдол мэдээлэгдсэн нь өмнөх оны мөн үеэс 19.7%-иар, эпидемиологийн 20-р долоо хоногтой харьцуулахад 41.3%-иар тус тус буурсан үзүүлэлттэй байна.



5 дугаар сарын 25-ны өдрийн байдлаар хачигт риккетсиоз 30(4.5%), хачигт боррелиозын 8(1.2%) тохиолдол тархвар судлал, эмнэлзүй, лабораторийн шинжилгээгээр онош батлагдаж, 75 тохиолдлын онош үгүйсгэгдээд байна.

1.2. Галзуу өвчний эрсдэлд өртсөн тохиолдол:

Архангай, Баян-Өлгий, Ховд, Хөвсгөл, Хэнтий, Өвөрхангай, Өмнөговь, Говь-Алтай, Дундговь, Дорноговь, Завхан, Сэлэнгэ аймгийн 25 сум, нийслэлийн 4 дүүргээс галзуу өвчний эрсдэлд өртсөн нийт 59 тохиолдол мэдээлэгдсэн нь өмнөх оны мөн үеэс 36.5%-иар буурсан. Эпидемиологийн 20-р долоо хоногт 2 тохиолдол бүртгэгдсэн.



1.3 Боомын хүний өвчний сэжигтэй тохиолдол:

Ховд, Төв, Дорнод аймгийн 4 суманд боомын арьсны хэлбэрийн хүний өвчлөлийн сэжигтэй 5 тохиолдол бүртгэгдсэн. Тархвар судлал, эмнэлзүйн шинж тэмдэг, лабораторийн шинжилгээгээр тохиолдол үгүйсгэгдсэн байна.

1.4 Бэтгийн хүний өвчлөлийн сэжигтэй тохиолдол:

Увс аймгийн Улаангом сум, нийслэлийн ХУД-ээс бэтэг өвчний онош тодруулахаар 2 хүний шинжилгээний материал ЗӨСҮТ-ийн лабораторит хүлээн аваад байна.

1.5 Хумхаа өвчний сэжигтэй тохиолдол:

Канад улсын иргэн. Өвчтөн “D” 34 настай, эмэгтэй. 2018 оны 3 дугаар сарын 16-29-ний хооронд Индонез улсад зорчих үедээ шумууланд хазуулсан өгүүлэмжтэй. 3 дугаар сарын 31-ний өдөр толгой өвдөх, дотор муухайрах, бүх бие янгинах, гүйлгэх шинж тэмдэг илэрч, Интермед эмнэлэгт 4 дүгээр сарын 01-ний өдөр хэвтсэн.

Хариу арга хэмжээ:

- Интермед эмнэлэгт 4 дүгээр сарын 01-ний 14 цагийн орчимд ЗӨСҮТ-ийн дуудлагын баг газар дээр нь очиж ажилласан.
- Өвчтнийг тусгаарлаж, хумхаа өвчний онош тодруулахаар сорьц дээжилж, ЗӨСҮТ-ийн лабораторид нян судлал, ийлдэс судлал, молекул биологийн шинжилгээгээр цусанд хумхаа өвчний үүсгэгчийн ДНХ тодорхойлогдоогүй онош үгүйсгэгдсэн.

1.5 Мэрэгч амьтны дуудлага:

2018 оны гарсаар нийслэлийн 6 дүүрэгт (БЗД, БГД, ХУД, СБД, СХД, ЧД)-ийн хэмжээнд нийт 18 удаагийн амьтны дуудлаганд үйлчилж, хураагдсан сорьц материалыг ЗӨСҮТ-ийн лабораторид шинжлэхэд тарваган тахал түүнтэй хам тохиолдох өвчин үүсгэгч илрээгүй байна.

ХОЁР. ТУХАЙН 7 ХОНОГТ БҮРТГЭГДСЭН ЗООНОЗЫН ШАЛТГААНТ ҮЙЛ ЯВДЛЫН МЭДЭЭ

Олон улсад:

Шувууны томуу өвчин: БНХАУ

БНХАУ-ын Тайвань хотын Ваньхуа дүүргийн шувууны аж ахуйд, шувууны томуугийн H5N2 вируст халдварын дэгдэлт бүртгэгдэж, 36 шувууг устгасан байна.


Хариу арга хэмжээ: Голомтот хязгаарлалтын дэглэм тогтоож, хариу арга хэмжээг хэрэгжүүлэн ажилласан байна.



Эх сурвалж: ДАЭМБ

Эбола вирус халдвар:

5 дугаар сарын 23-ны өдрийн байдлаар Бүгд Найрамдах Ардчилсан Конго улсын Экватор мужийн эрүүл мэндийн бүсээс Эбола вирус халдварын 58 тохиолдол бүртгэгдэж, 27 хүн нас барсан. Сэжигтэй болон болзошгүй, батлагдсан тохиолдлын талаарх хүн ам зүйн мэдээ, мэдээлэл хязгаарлагдмал байна.



Зураг 1. БНАК улсад Эбола вирус халдварын тархалт, Экватор мужийн Эрүүл мэндийн бүсээс мэдээлэгдсэн байдал 2018.05.21-ны байдлаар

Хариу арга хэмжээ:

- Идэвхтэй тандалтаар 600 ойрын хавьтлаас 15 сэжигтэй тохиолдлыг илрүүлж, эмнэлэгт хэвтүүлсэн.
- Mbandaka, Бикоро эрүүл мэндийн бүсийн мэргэжилтэнүүд хариу арга хэмжээ авах сургалтанд хамрагдсан.



- 5-р сарын 21-нд Mbandaka, Бикоро эрүүл мэндийн бүсийн мэргэжилтнүүдэд вакцинжуулалт хийгдсэн.
- ДЭМБ-аас эрсдэлийн үнэлгээ хийсэн.
- Эрсдэлийн үеийн харилцаа холбоог эрчимжүүлэн ажиллаж байна.

Эх сурвалж: ДЭМБ